

Augsburgischen Confession / aus dem
Papstumb geschöpfet vnd geler-
net.

Der Beweis aber were wol darben ge-
standen / so hette man desto mehr sehen kön-
nen / wie erbar vnd redlich diese Leute mit D.
Luthern vmbgehen. Aber er wischt das
Maul vnd renspert sich / gedenkt / D. Luther
möge hiermit vor lieb nemen / bis ihm ein bes-
fers werde. Es ist aber lauter Lügen vnd be-
trug / was diese Gesellen dis Orts fürgeben /
vnd hierdurch nicht allein D. Luthern / son-
dern auch die Chur : Fürsten / vnd Stände
Augsb. Confession / derselben loblichen guten
Nahmen / Reputation vnd Ehren / unter der
Erden also thumkünlich injuriren vnd an-
greissen / als ob dieselben ihre Lehr von den
Papisten entlehnet vnd gelernt haben.

Trotz vnd aber trotz seye dem ganzen Calvi-
nischen Gesindlein geboten / das sie mit grund
der Warheit solches auf Eutherum / oder
die Lobliche Stände erweisen. Sind aber dis
nicht seine getreue Rähte / welche Fürsten
vnd Herrn die Warheit zu berichten wissen.
Wenn solchen Potentaten einmal die Au-
gen erleuchtet würden / sollte wol solche ihre
Warheit jnen den Rücken hinnauff lauf-
sen .etc.

Eben